



Hysbysiad Preifatrwydd

Mae Cyngor Gweithredu Gwirfoddol Cymru (CGGC) wedi datblygu'r hysbysiad preifatrwydd hwn er mwyn bod mor dryloyw â phosib ynglŷn â'r ffordd yr ydym yn prosesu'ch data personol.

Mae'r hysbysiad preifatrwydd hwn wedi'i ysgrifennu i'r unigolion hynny y mae'r tîm Adnoddau Dynol yn cadw eu gwybodaeth bersonol.

Rydym yn trin preifatrwydd data o ddifrif ac yn cydymffurfio â phob agwedd ar fframwaith deddfwriaethol diogelu data y Deyrnas Unedig sy'n cynnwys y Rheoliad Diogelu Data Cyffredinol (GDPR) Ewropeaidd a deddfwriaeth y DU ei hun, Deddf Diogelu Data 2018.

Cedwir pob cais am swydd gan CGGC, gan eu trin yn gyfrinachol a'u storio'n ddiogel. Mae gwybodaeth a ddarperir yn cael ei defnyddio i ystyried ceisiadau a monitro Cyfle Cyfartal. Os yw'ch cais yn llwyddo, byddant yn ffurfio rhan o'ch cofnod staff personol. Os nad yw'n llwyddo, bydd eich cais yn cael ei ddinistrio 12 mis ar ôl y dyddiad y cyflwynwyd y cais.

PA WYBODAETH SYDD YN YR HYSBYSIAD PREIFATRWYDD HWN?

Gofynnwn i chi ddarllen yr hysbysiad preifatrwydd hwn yn ofalus gan ei fod yn cynnwys gwybodaeth bwysig ynglŷn â'r canlynol:

- y rheolydd data ac â phwy i gysylltu os oes gennych ymholiad neu gŵyn;
- pa wybodaeth bersonol y mae CGGC yn ei storio;
- sut mae'r wybodaeth bersonol a gedwir yn cael ei defnyddio ac at ba ddibenion (prosesu yw'r enw a roddir ar hyn);
- y sail gyfreithlon dros brosesu'r wybodaeth yn y ffordd hon;
- sut ac o ble rydym yn casglu'ch gwybodaeth bersonol;
- pwy sydd â mynediad at y wybodaeth;
- trydydd partïon y gallem rannu'ch gwybodaeth bersonol â nhw;
- am ba hyd rydym yn cadw'ch gwybodaeth bersonol;

- gwybodaeth ynglŷn â'ch hawliau preifatrwydd.

RHEOLYDD DATA

Cyngor Gweithredu Gwirfoddol Cymru (CGGC) yw'r Rheolydd Data, rhif cofrestru â Swyddfa'r Comisiynydd Gwybodaeth Z6141301. Golyga hyn mai ni sy'n penderfynu'r ffordd y mae'ch data personol yn cael ei brosesu ac at ba ddibenion.

CATEGORIÄU GWYBODAETH BERSONOL

Cedwir y categorïau canlynol o wybodaeth bersonol gan CGGC at ddibenion recriwtio:

- enw cyntaf a chyfenw
- y cyfarchiad sydd orau gennych
- unrhyw anrhydeddau sydd gennych
- hanes cyflogaeth
- cymwysterau
- cyfeiriad(au) cyswllt
- cyfeiriad(au) ebost cyswllt
- rhif(au) ffôn cyswllt
- eich dewis iaith (Cymraeg neu Saesneg)

Rydym hefyd yn cadw manylion eich rhywedd, eich tarddiad o ran hil neu ethnigrwydd, a'ch cyflwr iechyd corfforol neu feddyliol, os ydych wedi darparu'r rhain i ni. Serch hynny, gwahanir y rhain oddi wrth eich gwybodaeth bersonol wrth eu derbyn.

AR GYFER BETH Y DEFNYDDIR Y WYBODAETH BERSONOL?

Y prif reswm y mae'r adran Adnoddau Dynol yn casglu'ch data personol yw sefydlu a ydych yn addas ar gyfer cyflogaeth a chofnodi ystadegau recriwtio.

Y SAIL GYFREITHLON

Ni fyddwn yn storio'ch gwybodaeth bersonol ond pan allwn wneud hynny'n gyfreithlon. Mae'r fframwaith deddfwriaethol diogelu data yn darparu nifer cyfyngedig o resymau dros brosesu gwybodaeth bersonol.

Rydym yn dibynnu ar y sail gyfreithlon ganlynol i brosesu'ch data personol:

- mae'r prosesu'n angenrheidiol i gyflawni contract y mae gwrthrych y data yn rhan ohono neu i gymryd camau yn unol â chais gwrthrych y data cyn ymrwymo i gontract

Mae'r fframwaith deddfwriaethol diogelu data yn cynnwys darpariaethau penodol sy'n ein galluogi i brosesu gwybodaeth ynglŷn â'ch rhywedd, eich tarddiad o ran hil neu ethnigrwydd, a chyflwr iechyd neu gorfforol er mwyn monitro amrywiaeth yn ddiennw. Rydym yn dibynnu ar y sail gyfreithlon ganlynol i brosesu'r data hwn:

- mae gwrthrych y data wedi rhoi caniatâd penodol i brosesu'r data personol hwnnw

Mae modd i chi dynnu'ch caniatâd yn ôl yn rhwydd a gallwch wneud hynny drwy gysylltu â HR@wcva.org.uk. Os ydych yn gwrthod rhoi caniatâd i ddarparu'r wybodaeth hon ni fydd hynny'n niweidiol i chi.

FFYNONELLAU GWYBODAETH

Gellir ychwanegu at y wybodaeth sydd yn y ffurflen gais gyda gwybodaeth a ddaw o ffynonellau amrywiol gan gynnwys:

- gwybodaeth a geir yn uniongyrchol gennych chi
- gwybodaeth a geir gan fudiadau sy'n aelodau ohonom neu sydd â chysylltiad â ni - efallai'ch bod yn gweithio neu'n gwirfoddoli i un o'r mudiadau hyn a bod y mudiad wedi darparu geirda i chi
- gwybodaeth sydd ar gael yn gyhoeddus gan gynnwys o ffynonellau arlein a'r cyfryngau cymdeithasol

RHANNU'CH GWYBODAETH BERSONOL Â THRYDYDD PARTÏON

Mae'r rhan hon o'r hysbysiad preifatrwydd yn nodi manylion trydydd partïon y gallem rannu'ch gwybodaeth bersonol â nhw.

Ac eithrio pan fydd hi'n angenrheidiol, hynny yw, wrth ofyn am eirida, nid ydym yn rhannu'ch data personol â thrydydd partïon. Nid ydym yn trosglwyddo gwybodaeth bersonol sydd yn y Cronfeydd Data y tu allan i'r Ardal Economaidd Ewropeaidd. Nid yw'r un o'r darparwyr gwasanaethau yr ydym yn eu defnyddio i'n cynorthwyo i ddarparu'r Cronfeydd Data wedi'u lleoli y tu allan i'r Ardal Economaidd Ewropeaidd.

AM BA HYD Y BYDDWN YN CADW'CH GWYBODAETH BERSONOL

Mae'r fframwaith deddfwriaethol diogelu data yn gosod rhwymedigaeth arnom i adolygu am ba hyd yr ydym yn cadw gwybodaeth bersonol. Ni allwn ond cadw'ch gwybodaeth bersonol am gyhyd ag sy'n angenrheidiol i ni wneud hynny. Nid ydym ond yn bwriadu cadw'ch gwybodaeth mewn ffurf adnabyddadwy am 12 mis.

HAWLIAU UNIGOLION

Onid oes eithriad mewn grym o dan y GDPR, mae gennych nifer o hawliau mewn perthynas â'r wybodaeth bersonol a gedwir gan CGGC.

- Mae gennych hawl i gael mynediad at y wybodaeth bersonol sydd gennym amdanoch
- Mae gennych hawl i gywiro unrhyw wybodaeth sydd gennym amdanoch yr ydych yn credu sy'n anghywir neu'n anghyflawn
- Mae gennych hawl i wrthwynebu ein defnydd o'ch gwybodaeth bersonol at ddibenion marchnata uniongyrchol. Os na hoffech i ni gyfathrebu â chi mwyach, cysylltwch â ni. Ni fyddwn wedyn yn cyfathrebu â chi, ond byddwn yn cadw cofnod ohonoch a'ch cais i beidio â chlywed gennym.
- Mae gennych hawl i ofyn i ni ddileu'ch gwybodaeth. Sylwch, os ydym yn gwneud hyn, na fydd gennym gofnod o'r ffaith eich bod wedi gofyn i ni beidio â chyfathrebu â chi. Mae'n bosib felly y byddwch yn dechrau clywed gennym ryw adeg yn y dyfodol, os ydym yn cael eich manylion o ffynhonnell wahanol.
- Pan fo prosesu'ch gwybodaeth bersonol wedi'i seilio ar eich caniatâd, mae gennych hawl i dynnu'r caniatâd yn ôl unrhyw bryd. Cysylltwch â ni os hoffech wneud hyn.

Os hoffech ddefnyddio unrhyw un o'r hawliau, cysylltwch â CGGC drwy un o'r ffyrdd a nodir isod.

Manylion cyswllt

I ddefnyddio unrhyw hawliau perthnasol neu os oes gennych ymholiad ynglŷn â Diogelu Data, cysylltwch â Swyddog Diogelu Data CGGC, Emma Waldron drwy ebostio dpo@wcva.org.uk neu ffonio 0300 111 0124.

Rhowch wybod i ni os ydych yn anfodlon â'r ffordd yr ydym wedi defnyddio'ch gwybodaeth bersonol. Mae gennych hefyd yr hawl i gwyno i Swyddfa'r Comisiynydd Gwybodaeth. Mae ei gwefan yn rhoi gwybod sut i fynegi pryder <https://ico.org.uk/make-a-complaint/>

Newidiadau yn yr Hysbysiad Preifatrwydd hwn

Diweddarwyd yr hysbysiad preifatrwydd hwn ddiwethaf ar 3 Gorffennaf 2018.